ՀԱՇՎԵՏՎՈՒԹՅՈՒՆ

ՀՀ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ԹՎԱՅՆԱՑՄԱՆ ՎԱՐՉՈՒԹՅԱՆ ԳԼԽԱՎՈՐ ՄԱՍՆԱԳԵՏ ՄԱՐԻԱՄ ԹՈՐՈՍՅԱՆԻ՝ ԳԵՐՄԱՆԻԱՅԻ ԴԱՇՆԱՅԻՆ ՀԱՆՐԱՊԵՏՈՒԹՅՈՒՆ (Ք. ԲԵՌԼԻՆ) ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը.

Մարիամ Թորոսյան։

2. Զբաղեցրած պաշտոնը.

<< բարձր տեխնոլոգիական արդյունաբերության նախարարության թվայնացման վարչության գլխավոր մասնագետ։

3. Գործուղման վայրը և ժամկետները.

Գերմանիայի Դաշնային Հանրապետություն (ք. Բեռլին), 2023թ. հուլիսի 19-21-ը։

4. <րավիրող կողմը.

Բեռլինի թվային հասարակության ինստիտուտ։

5. Գործուղման նպատակը.

Մասնակցություն 2023թ. հուլիսի 19-ից 21-ը ք. Բեռլինում տեղի ունեցած «Կիբեռդիվանագիտություն և կիբեռքաղաքականություն» դասընթացին։

6. Քննարկված թեմաները.

Կիբեռդիվանագիտություն, կիբեռ ռիսկ, թվային տեխնոլոգիա, կիբեռ դիմացկունություն, կիբեռպաշտպանություն, միջազգային անվտանգություն և Եվրոպական միության կիբեռքաղաքականություն։

7. Հանդիպումները, ելույթները, բարձրացված կամ քննարկված հարցերը.

Հարավարևելյան Թիրախային լսարանը Եվրոպայի կառավարությունների դիվանագիտական և քաղաքականություն մշակող համայնքներն են, որոնք ներգրավված են ազգային և միջազգային կիբեռ խնդիրների վերաբերյալ որոշումների կայազման գործընթացներում (քաղաքականություն, դիվանագիտություն, միջադեպերի արձագանքում, սպառնալիքների վերլուծություն/հետախուցություն և այլն), ինչպես նաև կազմակերպությունները, որոնք զբաղվում են տարածաշրջանային պետությունների միջև ոլորտային համագործակցության համակարգմամբ։

Դասրնթացի շրջանակում ներկայացվել են միջազգային և գլոբալ կիբեռիիմնախնդիրները, մասնավորապես ՄԱԿ-ում, ԵԱՀԿ-ում, ԵՄ-ում և այլ միջազգային կազմակերպություններում առկա մոտեցումների մարտահրավերների ոլորտային հաղթահարման վերաբերյալ։ Նկարագրվել են կիբեռդիվանագիտության առանցքային ուղղությունները՝ միջազգային իրավունքի կիրառում, պետական պատասխանատու վարքագծի նորմեր և վստահության ամրապնդման միջոցներ։

Դասընթացի շրջանակում տեղի են ունեցել քննարկումներ հետևյալ թեմաների վերաբերյալ՝

- Տրամադրել ընդհանուր պատկերացում հասարակության և տնտեսության վրա ազդող տեխնոլոգիական փոփոխությունների մասին։
- Ընդհանուր պատկերացումներ կիբեռ սպառնալիքներից և խոցելիություններից բխող ռիսկերի վերաբերյալ։
- Ընդհանուր ակնարկ ՄԱԿ-ում, ԵՄ-ում, ԵԱՀԿ-ում և այլ կազմակերպություններում կիբեռդիվանագիտության նախաձեռնությունների վերաբերյալ։
- Կիբեռքաղաքականության, կիբեռդիմացկունության և կիբեռիանցագործության ոլորտներում Եվրոպական միության քաղաքականության ներկայացում։
- Երկրի դեմ իրականացված կիբեռ գործողության իրատեսական ճգնաժամային արձագանքման սցենարի ուսումնասիրություն։
 - Ռազմավարական և վերլուծական գործիքների ուսումնասիրություն։

Հուլիսի 19-ին տեղի են ունեցել դասընթացներ հետևյալ թեմաներով.

- 1. Կիբեռ և թվային դիվանագիտության ներկայացում,
- 2. Կիբեռսպառնալիքների և խոցելիությունների ներկայացում,
- 3. Կիբեռդիմացկունությունը և կրիտիկական ենթակառուցվածքների պաշտպանությունը կիբեռտարածությունում,
 - 4. Կիբեռ գործողության վերլուծություն և վերագրում։

Հուլիսի 20-ին տեղի է ունեցել դասընթացներ և քննարկումներ հետևյալ թեմաներով.

1. ՄԱԿ-ի առաջին կոմիտեի կիբեռհանցագործությունների դեմ պայքարի գործընթացներ, Կիբեռմիջավայրում պետության պատասխանատու վարքագծի շրջանակ - միջազգային իրավունք, կիբեռնորմեր, կիբեռտարածությունում վստահության ամրապնդման միջոցառումներ (CBMs), կարողությունների զարգացում։

- 2. ԵՄ կիբեռքաղաքականությունների ներկայացում. արտաքին կիբեռ քաղաքականություն, ԵՄ կիբեռդիվանագիտության գործիքակազմ, ԵՄ կիբեռդիմացկունության քաղաքականություն։
- 3. Տարածաշրջանային կազմակերպությունների դերը. ԵԱՀԿ կիբեռվստահության ամրապնդման միջոցառումներ։

Հուլիսի 21-ի օրակարգում ներառված էին հետևյալ թեմաներով քննարկումներ.

- 1. Կիբեռհանցագործություններ, ՄԱԿ-ի երրորդ կոմիտեի կիբեռհանցագործությունների դեմ պայքարի գործընթացներ, Եվրոպայի խորհրդի կիբեռհանցագործությունների դեմ պայքարի գործընթացներ, Կիբեռհանցագործությունների Բուդապեշտի կոնվենցիա։
- 2. Կիբեռ միջավայրում պետության վարքագծի նկատմամբ կիրառելի միջազգային իրավունք։
- 3. Գործանական աշխատանք. Կիբեռ օպերացիային միացյալ եվրոպական պատասխանի ձևակերպում։

Աշխատաժողովի ավարտին ձեռք բերվեց պայմանավորվածություն համագործակցության շարունակականությունը ապահովելու համար։

Աշխատաժողովի ընթացքում չափելի արդյունքներն են.

- Աշխատաժողովի ընթացքում ձեռք է բերվել պայմանավորվածություն Կառավարման և տեխնոլոգիաների եվրոպական դպրոց, Թվային հասարակության Ինստիտուտի տնօրեն Հելի Թիրմա Քլարի հետ, Կիբեռանվտանգության ռազմավարության և քաղաքականության մշակման դեպքում, փորձագիտական միջազգային կարծիք ստանալ նախագծերի վերաբերյալ ինչպես նաև աջակցություն ստանալ նախագծերի նախնական մշակման փույում։
- Կապեր և ծանոթություններ են հաստատվել մասնակից 10 երկրների ներկայացուցիչների հետ կիբեռանվտանգության և կիբեռդիվանագիտության ոլորտում փորձի փոխանակման համար։
- Կապ է հաստատվել Մոլդովայի Հանրապետության տնտեսական զարգացման և թվայնացման նախարարության Տեղեկատվական տեխնոլոգիաների և թվայնացման ոլորտում քաղաքականությունների մշակման վարչության հիմնական խորհրդատու Ինգա Պասկալի հետ, ով հանդիսանում է գործընկեր նաև EU4Digital ծրագրով և պայմանավորվածություններ եմ ձեռք բերել և՛ կիբեռանվտանգության,

- և՛ թվայնացման, և՛ EU4Digital ծրագրերի շրջանակներում սերտ համագործակցության համար։
- Ուսումնասիրվել է Կիբեռդիվանագիտության 11 նորմերը։
- Ուսումնասիրվել է կիբեռտարածությունում վստահության ամրապնդման 16 միջոցառումները (CBMs) և դրանց կազմակերպման մեխանիզմները։

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Հաշվի առնելով, որ դասընթացի ողջ բովանդակությունը կազմվել էր ՄԱԿ-ի Կիբեռդիվանագիտության առցանց դասընթացի բովանդակությամբ, առաջարկում եմ կիբեռդիվանագիտությանը առնչվող ՀՀ պետական մարմինների աշխատակիցներին ուսումնասիրել այդ դասընթացը, որը հնարավորություն կտա ռազմավարական որոշումներ կայացնելիս և քաղաքականություն մշակելիս հիմքում ունենալ միջազգային ընդունված նորմերը և քաղաքականության հիմնական ուղղությունները։

Միաժամանակ, դասընթացի ժամանակ ներկայացվել է նաև ԵԱՀԿ առցանց դասընթացների հարթակ, որը նույնպես ունի կիբեռանվտանգության վերաբերյալ բազմաթիվ դասընթացներ։ Հարթակի հղումը՝ https://elearning.osce.org/dashboard, որը նույնպես կարող է ներառվել պետական աշխատողների համար կազմակերպվող դասընթացներում։

9. Ստորագրությունը, ամսաթիվը.

Մարիամ Թորոսյան

26.07.2023